

Pozdravna poruka komandanta



Centar za obuku za operacije podrške miru (COOPM/PSOTC) Oružanih snaga Bosne i Hercegovine je NATO akreditirani Partnerski centar za obuku i edukaciju koji realizira edukaciju i obuku vojnog osoblja, policijskih službenika i civilnih lica iz BiH, NATO i partnerskih zemalja, u skladu sa doktrinom NATO i UN. Primarno smo fokusirani na multinacionalne operacije podrške miru koje uključuju sveobuhvatni pristup i saradnju između različitih aktera u kompleksnom operativnom okruženju.

Mada relativno mlada i mala organizacija, Centar je izgradio snažnu međunarodnu reputaciju i ostvario globalni doseg kroz rezidencijalne kurseve, razmjenu instruktora i angažman Mobilnog tima za edukaciju i obuku (METT) u mnogim zemljama Evrope, Centralne Azije i Južne Amerike. U prosjeku educiramo i obučavamo preko 600 polaznika godišnje, od kojih su gotovo 40% međunarodni polaznici. Kvalitet edukacije i obuke koju izvodi PSOTC verificiran je posjedovanjem NATO Institucionalne akreditacije za osiguranje kvaliteta, kao i kroz akreditacije za mnoge kurseve izdate od strane NATO, UN i akademske zajednice u BiH.

Naša metodologija kombinira učenje na daljinu, interaktivna predavanja, grupne diskusije i vježbe, ali značajan naglasak stavljamo na problemsko učenje (*problem based learning*) pri čemu se naši polaznici podstiču na aktivnu interakciju, kako međusobno tako i sa instruktorskim osobljem. Proces učenja podržan je od strane kompetentnog i iskusnog osoblja koje se sastoji od vojnih i civilnih instruktora i profesora iz BiH i drugih zemalja. Pozitivno i stimulatívno akademsko okruženje podržano je i adekvatnim resursima za učenje i sistemima podrške koji našim polaznicima omogućavaju da na najbolji način iskoriste svoje vrijeme provedeno u PSOTC.

Uz konkretan paket znanja i vještina, rezidencijalni kursevi u PSOTC polaznicima također pružaju i mogućnost da osjete naše tradicionalno gostoprimstvo i multikulturalizam, steknu određene impresije o lokalnom načinu života i da posjete neke prelijepe znamenitosti Sarajeva i Bosne i Hercegovine.

Želimo Vam srdačnu dobrodošlicu u PSOTC.